

E unico alternativa pa Aruba

CURPA t'e partido di honestidad y di e Palabra di Dios

PARTIO CURPA ta presente como e unico cu ta defende e principianan di Dios, e berdad y honestidad. "Nos kier ta doño di nos propio cas of permiti pa Hulanda tuma control di nos isla?" t'e pregunta central. A pesar cu finansa publico ta den crisis, CURPA ta destaca cu esaki t'e resultado di 22 aña di mal gobernacion.

Awe e pueblo ta esclavisa pa debe y medida imponi, pero e partido ta subraya cu door di viola e principianan di DIOS, e danan di cualkier nacion ta conta. Aunke nos por gaña otro, nunca nos por gaña Dios, kende no tin mester di nos opinion, sino di nos obediencia.

E ciclo electoral aki ta ofrece pueblo e oportunidad di vota pa un partido cu ta papia cu berdad of pa uno cu ta sigui gaña. CURPA ta recorda e promesanan sin cumpli, manera e cambio den edad di pensioen na 2013, ora cu a priminti cu no lo subi pa 65 aña, pero a aumenta e aña siguiente. Di su banda, na 2017 a priminti cu e edad lo baha na 62 aña, loke nunca a sosode. Hasta a ofrece un ultimatum den e ultimo campaña pa 'FASE' sigui si bota pa un partido specifico.

Dos punto crucial cu pueblo no mester lubida, segun CURPA, t'e "Rijkswet" (Status Aparte) y matrimonio entre e personanan di e mesun sexo. E autonomia di Aruba a wordo



entrega den e "landspakket" y e isla a wordocompara awo cu e teritorionan di Sint Maarten, Corsou y Caribe Hulandes. E influencia Hulandes ta profundamente ancla den cada departamento di gobierno. CURPA ta acusa e gobiernonan di MEP y AVP di a bende e isla, creando un debe cu ta mas cu 6 mil mion florin.

Pa cambia e situacion, CURPA ta propone un gobierno di pueblo y pa pueblo, cu ta saca tur cos na cla. Ta anticipa cu mas di 25 mil votado no lo respalda ni AVP ni MEP den e proximo eleccion. E partido ta adverti riba e trampanan di satanas, kkende tambe por disfrasa di luz pa gaña hopi. Sinembargo, CURPA ta destaca cu nan t'esunnan cu ta representa e pensionadonan, hubentud y e votadonan cristian creyente.

Manera ta existi diferente partido cu diferente creencia, CURPA t'e unico cu ta basa riba e palabra di Dios y su principianan no ta negoshabel. Finalmente, su lider, Eric Ras, a señala e simbolismo di number 9, cu ta representa husticia y ta destaca cu dia 9 di september 2024, gobierno a cay, un señal di husticia. Fuera di esey number 8 den 2024 ta simbolisa un oportunidad pa un comienso nobo. CURPA ta, segun su palabranan, e unico alternativa pa Aruba.

Avianca

Bishita

Medellin 🔍

Cuminsando na **US\$100** pa round trip

RESERVA AWO!
www.avianca.com

AUA
AEROPUERTO INTERNACIONAL REINA BEATRIX
www.airportaruba.com